

AARE FAHRE!

Aare-Fahre mit em Gummiboot! Das isch allewyy!
e glatti und gmietligi Sach. Und sehr eifach zum sälber
mitmache:



Sunntig, 23. Juli 2006

→ Abfahrt am 09:30 in dr Gartestroos (Basel)

→ Retour isch me ca. am 20:00 / 20:30 je nach
Verkehrslaag

Me wuurd d'Sdreggi vo Thun nach Bärn uff dr Aare zrugg leege. Dr Zytplan seht wie folgt uss:

<u>Zyt</u>	<u>Ablauf</u>
09:30	Dräff- und Abfahrtszytpunkt in dr Gartestroos (118.7 km ca. 1 Std. 10 Min.)
10:40	Aakunft in Thun/Steffisburg → Vorberaitig (Gummiboot aufblasen → Pumpservice für CHF 4.00 / Auto parkieren)
11:10	wassere ... und gmietligg loosfahre
unterwägs	Mittagspause irgendwoo uff dr Streggi (grilliere isch maischdens meegligg)
??	Aakunft in Bärn (bim Marzilibad) Deert duet sich dr Grossdail mit Boot abpumpe, butze und denn no bitz Bäädele im Marzilibaad oder in dr Aare beschäftige <i>D'Autofahrer geen mit em Zug nach Thun zrugg. D'Keschde fyrs Bilijee belaufe sich uff CHF 14.20 (eifach und 2. Kl. ohni ½-Tax).</i> <i>Zuugfahrblaan: (l = Reisezyt 31 Minute) (k = Reisezyt 19 Minute)</i> <i>jeedi Stund am XX:16 (l), XX:39 (k), XX:46 (l), XX:06 (k), XX:09 (k) und XX:16 (l)</i> Ruggfahrt vo Thun nach Bärn sin 27.9 km ca. 20 Min. (Autobahnussfahrt "Ostring")
??	Ruggfahrt vo Bärn nach Basel sin 97.6 km ca. 1 Std.

Mitnäh sotte alli Interessierte e Gummiboot und Paddel, e Auto (e baar zämme macht no Sinn, bi
dääne Spritbriise), allefalls e Schwimmeschde, Nahrungsmittel und Gedrängg fyr ai Daag,
Sunnegreem und -huet, Baadsache, Ersatzglaider, e wasserdichts Packsyschdeem fyr all die
Sache.

Mir - die Aare-Fahrer wo sicher göön (5 Wasserdybli) - wurde-n-is freue, wenn sich no e baar
spontan wurde aaschliesse. Infos zur Aare gits unter www.aarenet.ch

Sotte Frooge uffdauche, denn kaa me dr Aare-Fahre-HotLine 079 638 27 05 (CHF 4.30/Min :-)) aalyte ...
deert wird me kompetänt beroote. Wär sich dert aamäldet, uff dä wird gwartet ... aber au ebbe ...
au spontan ufftauchendi nämme mr gärn mit.

Es griesst für d'Wasserduubebandi (Niggi, Noemi, Selina, Tobi und Claude)
dr Claude